

# VEDTEKTER FOR NORSK NAMNELAG. Org. Nr. 979686560

vedtekne på skipingsmøte 18. november 1983 og reviderte sist på landsmøtet 2024.

## 1. Føremål

Norsk namnelag (NNL) har til føremål å vekkje interesse for og styrkje kjennskapen til namn, namnebruk, namnevern og namnevitskap. Det gjeld stadnamn, personnamn, namn på husdyr osv., dvs. heile namneskatten i samfunnet, medrekna samiske, kvenske og skogfinske namn.

## 2. Verksemd

For å nå føremålet skal NNL

- arbeide aktivt for å fremje auka forståing for namn som immaterielle kulturminne og allmenn kunnskap om og kjennskap til namn og namnegransking
- vere bindelekk mellom alle som har interesse for namn og namnegransking
- ta opp samarbeid med vitskaplege institusjonar og offentlege styresmakter
- stø innsamlingsarbeid
- stø kurs, studieopplegg og andre former for opplæring
- gje ut det vitskaplege tidsskriftet Namn og nemne
- gje ut meldingsbladet Nytt om namn
- drifte og halde ved like nettsida [norsknamelag.no](http://norsknamelag.no)

## 3. Medlemskap

Både einskildpersonar, organisasjonar og institusjonar kan bli medlem av NNL. Alle vert medlem når dei tingar tidsskriftet Namn og nemne.

## 4. Landsmøtet

Landsmøtet er høgste styresorgan i laget.

Landsmøte skal haldast annakvart år, eller når styret eller minst 1/10 av medlemene ynskjer det.

Styret kallar inn til landsmøte og avgjer kvar og når det skal haldast. Innkallinga skal kunngjerast i meldingsbladet og på nettstaden seinast to månader i førevegen.

Alle lagsmedlemer har rett til å kome med framlegg til landsmøtet eller sende inn framlegg til styret. Innsende framlegg må liggje føre seinast ein månad før landsmøtet.

Alle lagsmedlemene er røysteføre. Kvar medlem har ei røyst. Ingen kan røyste ved fullmakt.

Landsmøtet skal handsame desse sakene:

- a. toårsmelding

- b. revidert rekneskap
- c. kontingent
- d. budsjett
- e. val av leiar, nestleiar, fire styremedlemer og tre varamedlemer
- f. val av redaktørar/redaksjon for Namn og nemne, Nytt om namn og nettsida
- g. val av revisor
- h. planar for den komande arbeidsbolken

Lagsåret fylgjer kalenderåret, og alle val gjeld fram til neste landsmøte. Det er høve til attval. Same personen kan sitje som leiar i tre valbolkar etter kvarandre.

## **5. Styret**

I styret sit leiar, nestleiar og fire styremedlemer. Styret står for lagsdrifta og skal setje ut i livet dei vedtaka som landsmøtet gjer, ta opp saker som det hastar med og ta avgjerder i aktuelle saker. Styret skal vidare ha ettersyn med økonomien og medlemskartoteket. Styret kan peike ut ei valnemnd som førebur valet og kjem med framlegg til landsmøtet.

For å vere vedtaksført må fire av medlemene vere til stades. Alle saker vert avgjorde med vanleg fleirtal. Er det same røystetal for to framlegg, har leiaren dobbel røyst.

Når det er ynskjeleg, bør redaktørane vere med på styremøta.

## **6. Vedtektsendringar**

Framlegg til vedtektsendringar må sendast styret seinast to månader før landsmøtet. Styret handsamar framlegget og lagar innstilling til landsmøtet. Vedtak om vedtektsendringar krev to tredels fleirtal på landsmøtet.

## **7. Oppløysing**

Spørsmål om oppløysing kan berre takast opp ved ordinært landsmøte. Vedtak om oppløysing krev to tredels fleirtal av dei røysteføre på landsmøtet. Dersom laget vert oppløyst, bør styret saman med representantar for Språksamlingane ved Universitetet i Bergen drøfte kva som kan gjerast.